



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-22-5-340 /16

Datum: 11.02.2016. godine

OPĆINSKO VIJEĆE

-ovdje-

PREDMET: Informacija o razvoju i iskorištavanju turističkih potencijala
i radu Turističke zajednice-Ured u Tešnju

Posjete i turistički obilasci turističkih resursa grada Tešnja, realizovani su posredstvom Turističkog ureda i Muzeja Tešanj, i u 2015. godini evidentirano je oko 15.500 posjeta, a najveći broj posjeta imali su nacionalni spomenici, Stari Grad-Gradina sa 12.037 koja je nezaobilazna destinacija za sve turiste i Eminagića konak oko 3.435 posjetitelja. Uz navedene spomenike, posjećivani su i džamijski harem, Medžlis IZ-e, Musalla i mezar Muse Ćazima Ćatić. Osim kulturno-historijskih objekata, turisti posjećuju i sportsko-rekreativne objekte: jezero „Jelen“, staza zdravlja „Mrkotić“, Ciglansko jezero, jezero Mrkotić, izletišta Kiseljak, Ćatin greb i druge.

Od ukupnih posjeta, najveći broj su dačke ekskurzije sa područja Zeničko-dobojskog i Tuzlanskog kantona, a od stranih turista, značajan broj je iz Srbije, Hrvatske, zatim Italije, Austrije, Njemačke te Turske, a turisti najčešće dolaze u proljeće i krajem ljeta. Veliki broj posjeta ostvaruje se saradnjom turističkog ureda i muzeja sa privrednicima, udruženjima građana, sportskim klubovima, općinskom administracijom i sl. U cilju poboljšanja postojeće saradnje, održana je i radna posjeta predstavnika Općine menadžmentu hotela Kardijal u Tesliću koji često dovode svoje goste u turistički obilazak Tešnja. U toku godine organizuju se i razne manifestacije kao Tešanjsko proljeće, Ljeto u Tešnju, Dani grada Tešnja u okviru kojih se organizuju razne druge manifestacije kao promocije knjiga, izložbe, koncerti, sportska takmičenja, javne tribine, smotre folkloru i dr. Treba pomenuti i takmičenja u ribolovu na rijeci Usori i jezeru u Mrkotiću, koja organizuju sportska ribolovna društva uz učešće ribara iz cijele BIH kao i susjednih zemalja.

Od projekata značajnih za razvoj turizma, u 2015. godini realizovan je projekat uređenja Titove ulice u Tešnju i završena je izgradnja objekta biblioteke, a u podnožju tešanjске tvrđave otvorena je i prva suvenirnica „Kudret voda“. U 2016. godini, potpisivanjem Ugovora Općine Tešanj sa izvođačem radova, biće realizovan nastavak radova uređenja prilaza Starom gradu-Gradini u Tešnju (II faza). Od značaja za razvoj turizma je i realizacija projekta uređenja Ciglanskog jezera gdje novi vlasnik počeo radove uređenja i planira uzgoj ribe, izgradnju šetnice i moderne ljetne bašte.

Na području naše općine, u privatnom vlasništvu je aktivno šest smještajnih kapaciteta a prema podacima pribavljenim od vlasnika istih, u prošloj godini ostvareno je noćenja:

Smještajni objekat	hotel „AA“	hotel „Ukus“	motel „Plavi“	motel „Jelić“	motel „Mračaj“	motel „Kod Meše“
domaći turisti	226	393	229	542	97	95
noćenja	295	393	229	542	97	97
strani turisti	285	879	57	213	23	9
noćenja	553	879	57	213	23	9
Ukupno noćenja	848	1252	286	755	120	106

U 2015. godini. ostvareno je ukupno 3.367 noćenja i to 1.582 domaćih i 1.466 stranih turista tako da je u odnosu na prošlu godinu ostvareno povećanje za oko 40% noćenja, čemu su značajno doprinijele aktivnosti na promociji turizma i turističkih potencijala.

Turistička zajednica Ze-Do kantona je dostavila Službi Informaciju o radu turističkog ureda u Tešnju u 2015. godini. u kojoj ističu povećano interesovanje turista za posjete gradu Tešnju i turističkim motivima te da su najposjećeniji Tešanjaska tvrđava, Eminagića konak i Ferhadbegova džamija. U 2015. godini, evedentirno je i značajno povećanje broja noćenja kako domaćih tako i stranih turista. Kao i prethodnih godina, i u 2015. Turistička zajednica je putem Turističkog ureda Tešanj, radila na razvoju, unaprijeđenju i promociji turističkih potencijala i turističkih motiva na prostoru općine Tešanj. Uspostavljena je saradnja između ugostiteljskih objekata i hotelijera, kao i njihova promocija putem web sajta Turističke zajednice Zeničko-dobojskog kantona te putem printanih medija. Takođe je uspostavljena saradnja i sa udruženjima koja svojim manifestacijama potiču i afirmiraju promociju turističkih vrijednosti i povećavaju dolazak posjetilaca. Te manifestacije su finansijski podržane od strane Turističke zajednice ZDK.

Napravljen je i organiziran plan posjete općini Tešanj za grupe sa satnicom i posjetom kulturno-historijskim spomenicima, prirodnim potencijalima kao i određenim privrednim subjektima. Pismo namjere sa planom posjete općini Tešanj, kao i prethodnih godina, poslano je na adrese svih škola u BiH kao i turističkim agencijama. Turistički potencijali kantona a samim tim i grada Tešnja, predstavljeni su na domaćim i inostranim sajmovima što je svakako doprinijelo afirmaciji i stvaranju imidža općine Tešanj, kao turistički interesantnog odredišta. Ostvareni su kontakti sa domaćim i inostranim turističkim agencijama s ciljem dolaska i organiziranja boravka na prostoru grada Tešnja, ali je problem nedostatka smještajnih kapaciteta.

Od projekata, značajnijih za razvoj turizma, u 2015.godini, smo radili na završetku objekta biblioteke, uređenju Titove ulice u Tešnju, ostvarili smo saradnju sa banjom u Tesliću, dok je u 2016. godini. planirano uređenje prilaza Gradini, uređenje platoa ispred zgrade Centra za kulturu i obrazovanje, Izmjena Regulacionog plana Kiseljak, uređenje parkinga u Zvečaju, izrada promotivih turističkih materijala, podrška kulturnim, sportskim i drugim javnim manifestacijama a putem Muzeja Tešanj planirano je postavljanje panoramske table na zidovima Gradine kao i zamjena ranije postavljanih zidnih plakata na Gradini.

OBRADIVAČ

Služba za finansije, privredu,
komunalne i inspeksijske poslove

Hamzalija Hojkurić dipl.ecc

OPĆINSKI NAČELNIK

Mr. Sc. Suad Huskić, profesor